

Rotonde di Piedra Plat programa pa habri 4 di augustus awor

ORANJESTAD – Director di DOW, Marlon Maduro a laga sa cu e siman aki cu a habri e compania Mota Engil cu ta encarga cu e proyecto di Watty Vos Boulevard a adecua e facilidad e fluho di vehiculo den e di dos rotonde.

Di e forma aki e traficacion entre e area di hotel y Oranjestad ta keda garantisá. Mientras cu e trabou di construccion di e rotonde di Piedra Plat cu ta uno los di e proyecto di Watty Vos Boule-

vard, sr. Croes a laga sa cu ta plania cu pa dia 4 di augustus e lo ta cla. Pues e lo keda habri pa trafico por haci uzo di dje casi un siman y mey prome cu aña escolar nobo ta cuminsa. El a declara cu p'esey nan a dicidi di traha e rotonde aki durante e temporada di vakantie di scol; pa asina evita cu ora cu scol ta habri bek e fluho di vehiculo no lo resulta afecta. Mirando cu tin proyecto di infraestructura cu ta tumando luga riba caminda, sr. Croes a bisa cu nan ta traha nan plan

pa asina realoca e trafico durante rutan alternativo cu ta mas facil. E rotonde di Piedra Plat ta un ehempel di esaki. Ya cu e ruta alternativo ta basta largo. P'esey tambe nan a purba pa bin cla mas pronto posibel cun'e. Por compara cu por ehempel e rotonde na haltura di ex Codemsa, unda a traha un rotonde provisional banda di e trabou cu ta tumando luga. E meta di esaki ta cu e trabou por sigui mientras cu e molester y e fluho di vehiculo mester ta uno lo menos posibel.

